

## Zaj Kaw Nyuj

1. Hais! Zoo li kus, zoo li kus, zoo li txhia niaj kus txhia xyoo es kuv niam kuv txiv hmoob poj yawm rov tom ub nws tsis ua ncauj qas lis nrus tias yuav los mus phwv tshoob. Ces nws twb tsis qhib lawm nws lub mus rooj nkuaj zeb. Ces nws mi txiv pwj nyug twb tsis nqov lim quam mus rau lawm luag teb nis.

Zoo li txhia niaj kus txhia xyoo es kuv niam kuv txiv hmoob poj yawm rov tom ub nws tsis ua ncauj qas lis nrus tias yuav los mus phwv kos. Ces nws twb tsis qhib lawm nws lub mus rooj nkuaj cav. Ces nws mi txiv pwj nyug twb tsis nqov lim quam mus rau lawm luag nras nis.

2. Xyoo no ces kuv niam kuv txiv hmoob poj yawm rov tom ub nws yuav ua ncauj qas lim nrus tias yuav los mus phwv tshoob. Ces ntshe nws yuav qhib lis plho nws lub mus rooj nkuaj zeb. Ces nws mi txiv pwj nyug li nqov lim quam tuaj rau lawm luag teb no nis phooj ywg kwv sis luag.

Xyoo no ces kuv niam kuv txiv hmoob poj yawm rov tom ub nws yuav ua ncauj qas lim nrus tias yuav los mus phwv kos. Ces ntshe nws yuav qhib lis plho nws lub mus rooj nkuaj cav. Ces nws mi txiv pwj nyug li nqov lim quam tuaj rau lawm luag nras no nis phooj ywg kwv sis luag.

3. Kuv niam kuv txiv hmoob poj yawm rov tom ub nws yuav muab lawm nws mi txiv pwj nyug cob lis nkaus rau laj tub lag sis yau neb tej mus quav npab. Neb li yeej cuam kuv niam kuv txiv tom ub nws mi txiv pwj nyug tuaj mus ntoj kab nis.

Kuv niam kuv txiv hmoob poj yawm rov tom ub nws yuav muab lawm nws mi txiv pwj nyug cob lis nkaus rau laj tub lag sis yau neb tej mus quav tes. Neb li yeej cuam kuv niam kuv txiv ton ub nws mi txiv pwj nyug tuaj mus ntoj ke nis.

4. Laj tub lag sis yau neb yeej cuam kuv niam kuv txiv hmoob poj yawm rov tom ub nws mi txiv pwj nyug tuaj txog lis ntua nram tiaj, nram lis tus. Neb saib nws mi txiv pwj nyug lub ntsov nto lim ntshua txij lawm lub mus hauv roob. Neb yuav yeej cuam nws mi txiv pwj nyug tuaj tab lis nkaus lawm kuv niam kuv txiv nws txog mus kab tshoob no nis phooj ywg kwv sis luag.

Laj tub lag sis yau neb yeej cuam kuv niam kuv txiv hmoob poj yawm rov tom ub nws mi txiv pwj nyug tuaj txog lis ntua nram tiaj, nram lis tus. Neb saib nws mi txiv pwj nyug lub ntsov nto lim ntshua txij lawm lub mus hauv toj. Neb yuav yeej cuam nws mi txiv pwj nyug tuaj tab lis nkaus lawm kuv niam kuv txiv nws txog mus kev kos no nis phooj ywg kwv sis luag.

5. Laj tub lag sis yau neb yeej cuam neb mi txiv pwj nyug tuaj txog sib li ntua los ntshe neb mi txiv pwj nyug yuav dim lis plaws twb yuav mus ntsim lis npawv tsob mus tauj ntxhw. Ces neb coj neb mi txiv pwj nyug tuaj txog li ntua neb yuav muab cob li nkaus rau laj tub lag sis yau wb. Ces wb yuav yeej cuam neb mi txiv pwj nyug mus cob li nkaus rau kuv niam kuv txiv hmoob poj yawm rov tom no nws mi nus tij los mus paub tab. Ces mi nus tij yuav coj neb mi txiv pwj nyug mus kaw lim nkaus rau lawm kuv niam kuv txiv tom no nws lub mus nkuaj txwg no nis phooj ywg kwv sis luag.

Laj tub lag sis yau neb yeej cuam neb mi txiv pwj nyug tuaj txog sib li ntua los ntshe neb mi txiv pwj nyug yuav dim lis plaws twb yuav mus ntsim lis npawv tsob mus tauj dawb. Ces neb coj neb mi txiv pwj nyug tuaj txog li ntua neb yuav muab cob li nkaus rau laj tub lag sis yau wb. Ces wb yuav yeej cuam neb mi txiv pwj nyug mus cob li nkaus rau kuv niam kuv txiv hmoob poj yawm rov tom no nws mi nus tij los mus paub tab. Ces mi nus tij yuav coj neb mi txiv pwj nyug mus kaw lim nkaus rau lawm kuv niam kuv txiv tom no nws lub mus nkuaj txawb no nis phooj ywg kwv sis luag.

6. Laj tub lag sis yau neb yeej cuam neb mi txiv pwj nyug tuaj txog sib li ntua neb yuav muab lawm neb mi txiv pwj nyug cob lis nkaus rau laj tub lag sis yau wb. Ces wb yuav yeej cuam neb mi txiv pwj nyug mus cob lis nkaus rau kuv niam kuv txiv tom no nws mi nus tij los mus paub tab ces mi nus tij yuav coj lawm neb mi txiv pwj nyug mus kaw lis nkaus rau kuv niam kuv txiv tom no nws lub mus nkuaj zeb. Ces ntshe neb mi txiv pwj nyug yuav tsis nrog neb rais feb no nis phooj ywg kwv sis luag.

Laj tub lag sis yau neb yeej cuam neb mi txiv pwj nyug tuaj txog sib li ntua neb yuav muab lawm neb mi txiv pwj nyug cob lis nkaus rau laj tub lag sis yau wb. Ces wb yuav yeej cuam neb mi txiv pwj nyug mus cob lis nkaus rau kuv niam kuv txiv tom no nws mi nus tij los mus paub tab ces mi nus tij yuav coj lawm neb mi txiv pwj nyug mus kaw lis nkaus rau kuv niam kuv txiv tom no nws lub mus nkuaj cav. Ces ntshe neb mi txiv pwj nyug yuav tsis nrog neb rais fib qab no nis phooj ywg kwv sis luag.

7. Laj tub lag sis yau wb yuav yeej cuam neb mi txiv pwj nyug mus cob li nkaus rau kuv niam kuv txiv hmoob poj yawm rov tom no nws mi nus tij. Ces mi nus tij yuav coj lawm neb mi txiv pwj nyug mus kaw li nkaus rau kuv niam kuv txiv tom no nws lub mus phav puj. Ces neb mi txiv pwj nyug yuav los pw tuag npoo uj ais nyob los mus tsim nuj no nis phooj yawg kwv sis luag.

Laj tub lag sis yau wb yuav yeej cuam neb mi txiv pwj nyug mus cob li nkaus rau kuv niam kuv txiv hmoob poj yawm rov tom no nws mi nus tij. Ces mi nus tij yuav coj lawm neb mi txiv pwj nyug mus kaw li nkaus rau kuv niam kuv txiv tom no nws

lub mus phav ci. Ces neb mi txiv pwj nyug yuav los pw tuag npoo uj ais nyob los mus tsim nqi no tis yuas phooj yawg kwv sis luag.

\*\*\*\*\*

<Xaus>

Cov Ntsiav Lus Ua tsaug.

Ua tsaug nawb kwv luag. Niam txiv tom ub nyiaj txiag tuaj lawm nqha nas, tsiaj txhu tuaj lawm nqha nkuaj. Muas hub tsis muas zes tau nkauj nyab plaub txhais taw tes xwb. Tseem yuav coj cev mus ntim niam txiv tom ub tsoos, coj plab mus ntim niam txiv tom ub hno. Xob xeeb niam txiv tom ub thiab neb ob tug kwv luag nawb.

Ob tug kwv luag. Luag txawj muab ces ntshe luag yuav xuas rawg nyiaj rawg kub muab. Wb tsis txawj muab ces wb yuav ua rau liaj rau dav tsuab nawb kwv luag.

Luag txawj ces luag yuav muab rawg nyiaj rawg kub tais. Wb tsis txawj ces wb yuav ua rau liaj rau dav txais tshawv txheej nawb mog ob tug kwv luag.